

欽定剿平粵匪方略

欽定勦平粵匪方略卷一百八十七 戊午年

八年正月初二日 己卯 正白旗蒙古都統德興阿

候補侍郎翁同書山西大同鎮總兵鞠殿華奏  
言臣等於克復瓜州後先後馳抵浦口察看該  
處城垣距江浦縣城二十里其間岡嶺相連滿  
漢防兵向在浦口城北陡岡駐紮其金湯門等  
處亦紮數營與金陵儀鳳門外下關隔江相對

山後爲東北衝衢江浦之賊若由城北竄越黃  
悅嶺便可北犯全椒東擾六合臣鞠殿華帶兵  
暫駐江浦北路之小店扼黃悅嶺北趨之路臣  
德興阿等紮營浦口西北之安定橋其地居江  
浦浦口之中兼可控制滁和全椒後路自陡岡  
安定橋直至小店連營數十座聲威極壯攻勦  
較易爲力至九洑洲賊巢在江心蘆葦之中與

南岸下關七里洲聯成一氣而大溜直趨南岸  
水師非傍七里洲下關逆折而上無由進攻據  
水師各鎮稟稱宜先與南岸水軍攻克七里洲  
則九洲勢孤易拔現已函商和春辦理臣德  
興阿前於儀徵途次據成明周希濂先後稟稱  
十二月十一至十五等日我軍進攻九洲等  
處賊巢連獲大勝焚燬賊壘數處殺斃賊匪多

名金陵賊匪出城應援亦經我軍擊退現在宜  
由浦口緣江進攻而別以重兵斷其西路兼防  
其由黃悅嶺翻山而逸再浦口旣駐大軍六合  
地方安堵臣德興阿已調溫紹原來營差遣隨  
同攻剿奏入報

初三日

庚辰

英桂奏言據探六安逆捻勾結粵匪

意圖北擾徑撲商境之武廟集固境之郭陸灘  
等處經侍衛明慶截擊斃賊多名潛山粵逆由  
霍山一路竄至葉家集地方固始情形喫重勝  
保親至固城卽於十二月十七日馳往三河尖  
扼賊北竄十八日該逆竄近固始東關經勝保  
所派勇隊力擊獲勝賊衆敗至石佛店一帶盤  
踞光州所屬之大沙灣亦有匪蹤並准勝保請

調德楞額等馬隊助剿各等情查臣營馬隊不滿三百名自九月間追賊入山馳驅三月之久已極疲乏查現有路過赴楚補額之吉林黑龍江餘丁各二百名已過許州刻下楚省軍情尙非急需協勦惟有移緩就急仰懇

天恩俯准將此起吉林黑龍江餘丁四百名暫留豫省以資調遣俟此起餘丁到齊卽行親督前赴光

固相機堵剿如東路軍務稍鬆仍令該餘丁赴  
楚補額其德楞額馬隊仍留唐桐剿匪以免顧  
此矢彼之虞劉尙義等川楚勇隊仍駐固始惟  
光州一帶尙屬空虛已調羅山練勇五百名前  
往協同防堵奏入

上命軍機大臣傳諭官文胡林翼英桂曰本日據英桂  
奏光固喫緊各情需兵甚急所有赴楚補額之吉林



黑龍江餘丁四百名現在路過許州著英桂暫行截  
留以資助勦俟東路軍情稍鬆仍飭該餘丁赴定補  
額

初五日  
壬午福濟鄭魁士奏言逆匪白瓜鎮克復

合股上竄欲由巢縣內犯柘皋並有賊船由無  
爲和州口岸駛入窺伺巢湖臣等飭令總兵吉  
順嚴守要隘一面派副將塔思哈等由廬城店

埠撥隊會合水師相機夾擊該逆先已過山經  
千總張遇春等帶勇分路迎擊賊勢稍卻十二  
月十四至十八等日又經塔思哈等督率水陸  
兵勇更番搦戰連獲大勝平毀賊壘數處擊沈  
賊船數隻殺賊多名我軍直抵城下正擬紮營  
圍偏探聞潛太等處賊匪分竄舒城之界嶺一  
帶離廬州較近若廬軍久駐巢縣誠恐顧此失

彼且巢城非旦夕所能攻克自未便以一隅牽掣兵力現將各隊調回一俟有機可乘再圖進取奏入報

初七日甲申文煜奏言臣查江南軍營糜費甚鉅

從前糧臺初設彭玉雯因有幫辦軍務之任卽駐紮大營辦理供支與營中員弁兵勇親密愈

甚挾制愈多一日通融漸成歷年錮弊臣接辦  
後遵照督臣定章糧臺駐紮常州一切收放事  
宜就近稟商督臣辦理收領放餉兩局駐紮丹  
陽支放各營兵餉惟親軍局駐紮大營供支大  
營鹽折口糧等項臣稽覈餉冊和春每月應支  
鹽折已有溢支銀四百數十兩以次遞降無人  
不有溢支伏思和春身爲統帥違例支取以致

各營紛紛效尤臣僅將官弁照折照例支發致有毆辱委員之事設兵勇口糧一併改照定例更不知如何滋鬧如金陵指日可復猶不致漫無底止僅遲延數載所費何可勝言臣職任糧臺不敢不據實密陳奏入

上命軍機大臣傳諭和春張國樑許乃釗何桂清文煜曰文煜辦理糧臺照例支放本屬正辦乃各營員弁

竟有毆官之事。總因前此彭玉雯等辦理不善，致成積重難返之勢。著該大臣等嚴加約束，毋許藉端生事。何桂清駐紮常州，如有不肖員弁滋鬧糧臺，卽著文煜稟商該督就近懲辦。其兵勇口糧現因金陵指日成功，暫准照舊支發。但思克復金陵後，尙須分兵追勦，若遽加覈減，恐不足以資鼓舞。著和春等俟金陵克復，先將不受約束之兵遣撤歸伍，其素有紀律

堪用以追勦者應如何酌量調劑之處著何桂清豫  
爲籌畫或於例餉之外籌備賞需交該大臣等將奮  
勇各兵隨時鼓勵無功者不得濫邀庶於體恤之中  
仍存限制此係朕格外施恩原因功在垂成不惜小  
費並非遂爲定例該大臣等屆時曉諭兵丁使皆知  
感知奮迅掃逆氛以慰朕望

初八日 乙酉 勝保袁甲三奏言粵匪分股北竄意

圖牽掣我師六安城中之匪日思回竄刻刻須防臣等會商一面於三河尖極力布置扼其北犯之路一面卽由東路進兵爲攻取六安之計當卽抽撥正陽兵勇飭赴馬頭集並飭都司黃鳴鐸勇隊進駐順河集其署廬鳳道黃元吉一軍除原駐二十里鋪外又抽撥數百名前往順河分駐臣勝保暫紮三河尖原以居中控扼並



爲固始援兵接濟軍火疏通糧道詎該逆屯踞  
固始勢甚狻猊臣等於無可分撥中先其所急  
飭令樂善將所部兵勇全數帶往救援臣勝保  
仍力扼北竄要隘臣等營中實在官兵祇有三  
千餘名除留攻六安二千餘名外西路僅有千  
名現在極力抽撥並將存營鄉勇及已遣之勇  
復行招集湊足一千五百名俱交樂善等帶往

固始臣勝保僅餘親軍五百名在三河尖扼紮  
兵力既無可再分而六安攻勦喫緊之際又未  
便抽撤惟有仰懇

天恩飭令英桂迅速督兵前來與臣等分路堵勦並令  
陝甘督臣於固原甘州西甯河州提鎮標下選  
撥馬步精兵二千名星馳來營以資勦辦奏入

上命軍機大臣傳諭英桂勝保袁甲三曰粵匪分股北

慶意圖牽掣我軍勝保等現抽撥兵勇一千五百名  
交樂善等帶往固始兵力旣分自宜量爲添調惟陝  
甘官兵於湖北凱撤時曾經勝保截留現在該省官  
兵恐未能再調二千名之數本日已諭令樂斌酌量  
調撥矣此時勝保等進攻六安分援固始需兵甚急  
河陝汝匪蹤業已殄除著英桂仍遵前旨前往陳汝  
駐紮以爲勝保等後路聲援毋稍遷延

上又命軍機大臣傳諭樂斌曰勝保袁甲三奏捻匪勾結粵逆意圖分竄急須分援固始並扼三河尖以固北路藩籬隨營兵力不敷調派請飭於固原甘州西甯河州提鎮標內選撥馬步精兵二千名赴皖協勦等語著樂斌酌分勁旅遴選得力將弁管帶迅赴勝保等軍營以資勦辦

初十日丁亥勝保袁甲三奏言臣等前以藍旗股

匪由開順一帶竄越當飭商城縣知縣戴鴻經  
嚴密防堵詎戴鴻經並不出城抵禦致該匪由  
武廟集繞回故巢該員轉以親督練勇會合官  
兵追剿架空捏飾以爲卸過地步今粵匪大股  
麕聚固城臣等復飭該員帶練出境協剿乃戴  
鴻經仍置若罔聞屢次飛催復以守禦城池不  
能出境爲詞難保不以臣等非管轄上司肆其

藐玩應請

旨將商城縣知縣戴鴻經卽行革職暫留本任仍責令帶團迅速出境以扼西面要衝俾臣等得從北面專力進剿奏入

上諭內閣曰河南商城縣知縣戴鴻經於賊擾固始縣境時經勝保等飭令出境堵截該員並不出剿迨粵匪麇集仍以守禦城池爲詞不肯赴援實屬藐玩戴

鴻經著卽革職暫留本任仍責令帶同團練迅速出境會勦儻再不知愧奮卽著從嚴叅辦

十一日戊子和春奏言洪逆調回皖省逆黨陸續

渡江會合城中悍賊併力固守秣陵關臣一面

與張國樑督飭將弁開濠築壘一面飭總兵傅

振邦等設法迅攻上年十二月十五日該總兵

等探知渡橋一帶新添逆壘數座當派遊擊陳

安邦等分路進攻虎坤元督兵策應並由傅振  
邦督同副將龍正耀等三面擣關以爲牽制布  
置既定我師奮勇長驅連日大獲勝仗先後將  
賊營賊卡平毀虎坤元等分路直撲逆巢正欲  
乘勢斬關詎東西南三面又竄出逆黨數千接  
應虎坤元親帶馬隊衝突賊勢大潰馬德昭等  
乘勝越濠都司闕明德外委楊德興中礮陣亡



該逆於二十二十一等日竄出數白人游弋周村渡橋等處沿街打館以助秣陵聲勢傅振邦等各帶輕騎銜枚疾趨另派步隊從旁掩襲逆衆猝不及防奪路四竄渡橋一帶賊館悉數蹋平直抵牛首山殲賊不可勝計周村之賊亦經痛剿回巢二十二日傅振邦督同米興朝等會擣西南兩關劉季三等赴郭家橋圍攻賊壘該

逆突於關內擁出二千餘人我軍奮勇迎勦殪  
賊目十餘名逆勢大敗守備滕自新首先過濠  
礮傷右臂把總鄭雄飛死之賊見官軍半濟突  
出悍黨數千邀截我師豫行設備俟賊衆渡河  
四面撓勦轟斃及淹溺者甚多餘皆敗奔入巢  
把總王聯陞陣亡都司闕明德把總鄭雄飛王  
聯陞外委楊德興應請

飭部從優議卹奏入得

旨闕明德等俱著從優議卹

十三日

庚寅

英桂奏言據報潛山粵逆竄撲固始

經川楚勇隊擊退後復由徐家嘴渡河至東關  
盤踞分股四出打糧偷挖地道十二月二十二

三等日攻撲東城王庭蘭等督率在城兵勇守  
禦破其地道三處斃賊甚多城外黃開榜李孟

羣所派弁兵併力奮擊賊勢稍卻二十五六等  
日該匪復來攻城勢益狹猖光州知州鄭元善  
已帶練勇一千餘名進紮固境楊光店地方遇  
賊接仗擊斃多名生擒吳丙濬等二名據供髮  
逆糾合捻匪約五萬餘人意欲攻破固始卽撲  
光州再圖北竄等語現在情形萬緊急須撥兵  
救援臣已飭德楞額帶馬步兵勇剋日赴援統

計臣營馬隊不滿三百名步隊祇二千餘名實  
不敷援剿趕飭募勇千餘名以助兵力一經募  
齊臣卽親督赴援光固前次奏請截留赴楚補  
額之吉林黑龍江餘丁四百名昨准湖廣督臣  
官文來咨催調吉林餘丁一百名黑龍江餘丁  
二百名一併赴楚尙餘一百名留豫調遣並據  
委營總富倫稟報吉林餘丁一百名已由信陽

起程赴楚查該餘丁一百名業已赴楚自未便  
再留其餘三百名現在豫省軍情萬緊已咨官  
文暫行留豫助剿一俟光固情形稍鬆卽行飭  
令赴楚補額又接勝保函稱粵逆捻逆併股竄  
豫該副都統堵守三河尖力遏北竄固始待援  
迫切勢難兼顧囑臣由汝息一帶前往截剿可  
否仰懇

天恩飭下湖廣督臣飭令舒保就近移師來豫協同豫軍赴援光固一俟解嚴仍令回楚駐守奏入

上命軍機大臣傳諭官文胡林翼英桂曰固始縣城被圍危急粵逆捻匪數至五萬城中兵勇太單勝保所部兵勇旣須扼守三河尖有不能抽撥之勢英桂現擬親往該處而馬隊不滿三百步隊亦止二千仍恐不敷援應著官文胡林翼卽飭舒保速帶馬隊兼程

赴豫徑往光固一帶實力救援俟固始解圍光州情形稍鬆再令回駐襄陽以資控扼英桂現已飭德楞額抽帶馬步兵勇先往著卽親督大兵隨後繼進其截留吉林黑龍江餘丁准其一併帶往俟軍務稍鬆仍令赴楚

同日耆齡奏言臣接據各營及地方文武將收復臨江詳細情形先後稟報上年臨城逃出難



民僉稱賊糧將盡十二月初一至初六等日各營乘夜出隊攻城劉長佑令鄧在富等潛攻東南角填濠而入賊匪驚覺急施槍礮我軍冒死衝入土牆殺賊百數十人餘匪潰敗入城蕭啟江督同田興恕等攻西北等門踏毀城外賊卡斬馘甚多城賊出撲我軍分隊奮擊斃賊百餘人乘勝偪及城濠賊礮齊發營官胡中和礮傷

左轍外委王得雲陣亡劉于瀉派勇潛抵萬勝  
門將賊匪礮臺焚燬初七日劉長佑等率各營  
薄城圍攻各以火器對擊斃賊二百數十人營  
官何堯臣外委廖忠明同時陣亡初八日夜雨  
城賊於黑暗中突出大股直撲東門外長濠田  
興恕等各率水陸兵勇協力截擊該逆不能竄  
越時劉長佑令劉坤一等縱火焚柵爭先登城

斬獲無數生擒僞官一百數十名蕭啟江派果  
字營先登楊恆升等繼進外委李傳灝登城力  
戰陣亡千總呂應良擬保千總蕭敬衡外委田  
紹衢與賊巷戰死之劉于瀉復由萬勝門東門  
直衝入城殺賊不計其數生擒三百三十餘名  
當將臨江郡城克復其東門竄出之賊約三千  
餘人爲守濠各營所阻旋由河岸淺灘逃逸又

被兵勇截殺該逆欲用木筏圖越仙人渡小河  
爲我軍掩擊溺斃過半次日潰賊數千人在新  
建縣之石頭岡奪船渡河被礮船擊沈賊悉溺  
斃統計城內殲戮及追殺逆黨共五六千人十  
一日餘匪尙有千餘人竄至石鼻地方經各軍  
截殺僅贖三百餘人竄往瑞昌德安交界之洪  
家源爲德安團勇所阻復折而西由王家鋪而

去該處與湖北興國州連界均已薙髮逃散現  
在江西湖南水陸道路已通吉郡賊勢愈孤臣  
飭各營乘勝進攻新淦一經得手卽擬撥一軍  
協攻貴溪一軍協攻吉安其餘各營分路進攻  
撫建埽蕩羣兇此次尤爲出力之道員劉長佑  
等自應開列懇

恩分別給予獎勵其餘各員容臣查明保奏陣亡之教

諭何堯臣千總呂應良擬保千總蕭敬衡外委  
王得雲廖忠明田紹衢李傳灝應請

飭部從優議卹奏入

上諭內閣曰耆齡奏克復臨江府城詳細情形請將尤  
爲出力員弁先行獎勵江西臨江府城克復前經耆  
齡駱秉章同日奏到已明降諭旨將駱秉章所保各  
員給予獎勵本日復據耆齡奏保各員除劉長佑蕭

啟江江忠義楊恆升業經加恩外甘肅安肅道劉于  
洵著賞加按察使銜知府劉坤一著賞加道銜副將  
田興恕著再賞給摯勇巴圖魯名號都司李逢春著  
以遊擊遇缺卽補千總成章鑑著免升守備以都司  
儘先選用陣亡之教諭何堯臣千總呂應良擬保千  
總蕭敬衡外委王得雲廖忠明田紹衢李傳灝均著  
交部從優議卹

耆齡又奏言上年十一月初五至十五等日新  
淦援賊分竄古岸洲距吉水縣城十里經知府  
張運蘭督率兵勇分投攻擊連踏賊營二座焚  
其輜重甚多該逆復勾結另股賊匪傾巢而出  
分路竄擾我軍水陸並進合力衝殺賊匪敗退  
共計殺賊一千五六百人我軍受傷數十人十  
八日逆衆復分股由義家橋及七里山等處來



撲我軍分路迎擊該逆死拒不退哨長曾佑啟  
奮勇殺賊被火彈燒傷越日身故我軍後隊自  
龍王廟渡河助戰賊勢稍卻水師順流開礮轟  
擊各軍奮勇追殺共斃賊一千四百餘人該逆  
自此次敗後心膽已寒解散脅從萬餘人二十  
一二等日全股退往八都墟黃開亮等復率水  
勇將賊壘十餘座及村內木籬概行焚燬張運

蘭亦飭各營陸勇追至西坑而還其圍攻吉安  
府城各營自十月底偪城紮營連日於西南北  
三面開挖長濠斷賊竄越接濟之路十一月初  
八十五十六二十五等日該逆連次出犯各營  
憑濠轟擊先後將賊匪擊退曾國荃以峽江吉  
水已添水師卽將分防吉水之戰船調回十二  
月初三日沿河開礮攻城該逆移大小礮位至

白鷺洲與水師對擊連日斃賊頗多臣現飭令  
張運蘭等仍駐吉水相機進攻並飭劉培元於  
峽江一帶嚴密布置以防偷渡其白鷺洲夾河  
內飭曾國荃等督率戰船梭巡務使該逆坐困  
孤城庶可聚而殲旃至受傷身故之外委曾佑  
啟應請

旨飭部議卹奏入得

旨曾佑啟著照例議卹

二十日酉丁勝保袁甲三奏言捻逆勾結粵匪大

股竄擾固始縣城意欲分我兵力伺隙北竄臣

勝保馳回尖鎮布置一切一面函商臣袁甲三

暫來尖鎮藉資控馭並飭令黃元吉等嚴防東

路相機進取六安臣袁甲三於正月初四日馳

抵尖鎮臣勝保先期自帶親兵馳赴戴家店聯

絡各路鄉團直搗賊營該逆分股撲出均爲我  
軍擊退惟日來警報頻聞河南撫臣英桂尙無  
移營確期格縐額德楞額等馬隊亦尙未來營  
安徽藩司李孟羣又因麻埠喫緊未克遵調前  
來臣等兵力不多旣須力扼東北又復兼援固  
始實有顧此失彼之虞惟有飭令張曜嬰城固  
守一面勸諭鄉團激勵將士就此現有兵力竭

力支持奏入

上命軍機大臣傳諭英桂勝保袁甲三曰逆衆圍攻固始縣城勢甚狡猾袁甲三馳抵尖鎮後卽經勝保親赴戴家店聯絡鄉團悉力夾擊雖得勝仗尙未大挫賊氛李孟羣因麻埠喫緊未能馳往會勦著英桂先飭德楞額等馬步隊迅速前往該撫卽親帶兵勇隨後繼至毋再遲延並著勝保密飭張曜設法固守力

保危城不得稍有疏懈其六安一路著袁甲三就近  
控馭務將州城攻克以期次第掃除醜類

二十二日己亥英桂奏言據光州知州鄭元善稟

稱大股粵匪攻撲固始經該縣知縣張曜率同  
在城官紳竭力守禦破其地道兩處十二月二  
十七日勝保馳抵戴家店於十二月二十九日  
督兵進擊鄭元善亦帶兵至城西之大橋棚與

勝保官軍會剿斃賊多名以賊勢過熾未能深入解圍又據張曜稟稱正月初四日夜賊匪用地雷轟塌城牆數丈環城攻撲王庭蘭督率在城官紳將西南北三面嚴密抵禦張曜親督兵勇迅赴東城扼定缺口竭力搶堵鏖戰兩時始將該匪擊退各等情查固始危急萬分勝保兵勇無多鄭元善勇力亦形單弱李孟羣派往固



始弁勇雖有三千餘名恐未爲得力臣疊聞警報急籌救援前調之德楞額等兵勇及截留之吉林黑龍江餘丁先後陸續到營卽飭令於十四十六等日分起遄行臣於十八日親督後隊繼進俟行抵汝郡察看緩急情形再行酌量調撥奏入

上命軍機大臣傳諭英桂曰固始城圍未解李孟羣派

援兵勇雖多未知接仗能否得力英桂馳抵汝郡後  
著卽酌度情形先其所急多派兵勇與勝保等會合  
夾擊迅解固始之圍

二十三日

庚子

官文胡林翼奏言臣等聞髮逆勾

結捻匪擾近商固當卽添調九江步軍三千名  
前駐襄陽舒保馬隊二百名兼程馳赴麻羅扼  
要防禦相機進剿總期與豫皖聲勢聯絡迅掃

賊氛以仰副

聖主綏靖疆圉之至意

官文胡林翼又奏言江西臨江府城克復後餘  
匪由瑞州一帶竄入與國經副將周寬世等督  
率馬步各隊四面兜圍立將賊壘賊卡踏平殺  
賊一千餘名淹斃無數餘賊僅賸二百餘名梟  
水逃遁連日復經該州官紳督飭團練陸續擒

獲不致再留餘孽奏入均報

同日勝保袁甲三奏言粵逆竄擾固始將及一月雖經臣勝保屢次進剿稍挫其鋒該逆兇燄尙熾城圍未解日久恐生他變當飭光州知州鄭元善等由西南兩面進攻十四日傳令進隊並派參將賽沙布等分路進兵臣勝保親督諸

軍策應該逆分七股撲出我兵分投迎擊西面  
復出悍賊千餘名經副都統明慶等馬隊衝殺  
全股同時敗退其三仙莊逆衆復經步隊槍礮  
環擊斃賊無算餘賊遁入木壘統計殲賊七八  
百名參將張得勝帶勇縋城而下在西北兩關  
乘勢夾擊南門外岡上之賊忽擁出數百名復  
經知縣張曜督率兵練夾擊斃賊多名遊擊盧

又熊等由西南進剿亦有斬獲賊衆敗退兵勇  
跟追數里賊膽已寒在城官民見援兵獲勝人  
心愈覺鎮定惟聞該逆因屢受痛創傷斃甚夥  
現有六安捻逆分股前來援應日聚日多西北  
兩路愈形喫緊屢咨撫臣英桂迄今尙未拔營  
前來格縑額等馬隊因南陽一帶餘匪未清未  
能分撥李孟羣亦爲六霍逆匪牽掣未克親身

赴援派來遊擊盧又能等所帶勇隊雖有數千人而駐紮商城迎河集草廟集一帶相距較遠統率無人難期得力臣等惟有乘此軍威方振之時激勵兵勇極力勦擊以期迅殄狂氛奏入

上諭內閣曰粵逆竄擾固始經勝保疊次派兵勦擊連獲大勝賊膽已寒勝保現已進逼縣城李孟羣所派兵勇亦當陸續前進著勝保就近調度嚴飭諸軍實

力進勦英桂由葉縣移營赴援並著會同勝保分路夾擊迅解城圍毋稍延緩

二十七日甲辰官文都興阿胡林翼奏言臣等欽

奉

諭旨派兵出境迎勦卽飭調九江步軍三千名駐紮襄陽舒保馬隊二百名馳赴麻城羅田一帶嗣接稟報舒保先期移紮麻城距襄較遠而楚豫交



界之隨州棗陽久爲豫匪窺伺臣等已咨行署  
提臣訥欽等加意防範並酌留舒保馬隊百名  
協同扼守以資策應刻下楚軍水陸馬步全抵  
江皖急切未能遠征實因九江功在垂成上游  
重鎮攸關尤當奮力攻擊迅圖收復臣等擬俟  
九江得手除分援江省外其餘楚軍專力豫皖  
先清長江北路以防竄越前此調來之吉林黑

龍江西丹如訓練得力亦當爲豫皖助征之用  
再皖逆屢圖上犯正月初一二等日太湖逆衆  
數千乘我兵度歲之隙竄近蘄州邊界當派道  
員唐訓方會合各路兵勇分投擊退初七日宿  
松股匪又竄近蘄州邊界之荊橋等處築壘抗  
拒臣都興阿飭鮑超等嚴密防守並派多隆阿  
帶領馬步各隊分路進攻斃賊甚衆餘逆奪路

狂竄我軍追至太湖城邊沿途殺賊四五百名  
生擒三十餘名十一日進勦桃花鋪等處賊巢  
我軍分三路直前該逆抵敵不住沿山逃竄追  
殺三十餘里斃賊一千餘名惟據獲賊供稱太  
湖渡船口石牌等處約計賊七八萬人連營三  
十餘里臣等仍激勵將士奮勉圖功務期剋日  
會合皖軍盡殲醜類奏八

上命軍機大臣傳諭官文都興阿胡林翼曰現在勝保等援剿固始雖屢獲勝仗尙未解圍仍須添兵助剿舒保此時諒已起程惟所帶馬隊僅二百名不成一軍著官文等酌量情形添撥步隊相輔而行或卽於駐紮襄陽兵內酌撥千名交舒保統帶前進較爲得力太湖宿松逆匪竄近蘄州經都興阿等督兵迎剿斬獲頗多惟探聞太湖渡船口石碑等處尙有賊黨

七八萬連營三十餘里逆勢如此猖獗非下援金陵  
卽上竄楚境著都興阿督飭各軍相機截剿務將此  
股逆匪迅速殲除九江功在垂成何以尙無捷報不  
勝殷盼現在和春等正在圍逼金陵安慶蕪湖等處  
賊黨尙多時往金陵援應所望九江早克順流而下  
與江南大軍兩路夾攻使該逆不至他竄方爲妥善  
著官文等傳旨令湯載福彭玉麟等奮勇圖功毋得

遷延時日坐失機宜

同日德興阿翁同書翰殿華奏言臣等以大營屯紮安登橋雖係適中要地而前隔高山道路崎嶇進攻不易距城亦覺稍遠臣德興阿翁同書擬移營於浦口西門外之馬神廟地方督率安勇等由江浦東路進攻羅玉斌等防剿九洑洲之賊臣翰殿華自小店繞越黃悅嶺紮營由

西路進攻扼斷石磧橋通城之路其江浦北門  
外一帶飭富明阿等分帶水陸兵勇列營扼剿  
並設伏於石磧橋誘擒賊目黃錦春一名正月  
初七日南岸賊匪圍撲獅子山頂營盤總兵陳  
國泰等分督各艇與南岸陸軍並北岸師船三  
面圍攻斃賊無數初八日我軍分路進逼南門  
出賊二三百名經參將黃志配等擊斃五六十

名富明阿派隊進攻北門轟斃站牆執旗賊十餘名燒燬賊卡二座英貴帶兵抵江浦城下用擡礮擊倒城上黃衣賊二名斃匪數十名初十日南岸之賊與水陸官軍接仗有賊船十餘隻自下關順流而下陳國泰等師船揚帆迎擊轟沈賊船數隻淹斃賊匪不計其數十二至十七等日該匪疊次出撲均經官軍擊退共計殺斃



賊匪五六百名現在東路營盤業已紮定將及城北一帶由北而西晝夜趕築臣等已於二十二日移紮新營俟西路營壘築成卽檄調水師進駐西江口使該逆不能逃竄庶可聚而殲旃陣亡之五品頂戴藍翎勇目滿元陞應請

訪部議卹奏入

上諭內閣曰現在德興阿等督兵緊逼江浦連日斃賊

五六百名水師協勦亦甚得力著德興阿等卽督飭  
水陸將弁迅克江浦縣城盡殲醜類陣亡之五品頂  
戴藍翎勇目滿元陞著該部照例議卹